



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XII

BROJ: 207

DATUM: 27.11.2015.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Skupština Saveza usvojila Strategiju razvoja i Rezoluciju	1
Održana godišnja Konferencija koordinatora za rad sa Savezom	1
Usvojen prijedlog Zakona kojim se Grad Sarajevo uključuje u direktnu raspodjelu prihoda sa Jedinstvenog računa	2
Otvaranje one stop shop ureda u općinama Tešanj, Teslić i Žepče	2
Otvorena nova zgrada Općine Kakanj	3
Tešanj sa izvozom u 44 države - kičma rasta BH privrede	3
Vareš ispunjava uslove za formiranje geoparka	4
Vlada FBiH podržava otvaranje poduzetničkih zona	4
U Goraždu planirana gradnja tri zgrade za socijalno stanovanje	5
Najava obilježavanja dana općina za mjesec decembar/prosinac	6

Bilten Saveza općina i gradova Federacije Bosne i Hercegovine

SKUPŠTINA SAVEZA USVOJILA STRATEGIJU RAZVOJA I REZOLUCIJU

U Sarajevu je 21. oktobra/listopada održana osma sjednica Skupštine Saveza općina i gradova Federacije Bosne i Hercegovine na kojoj je prisustvovalo više od pedeset načelnika općina i gradova ili njihovih opunomoćenika. Na sjednici je, između ostalog usvojen Izvještaj o radu organa i tijela Skupštine Saveza općina i gradova Federacije BiH za period januar/siječanj 2013. godine - april/travanja 2015. godine, te Strategija razvoja Saveza općina i gradova Federacije BiH za period 2015. - 2022.



godine, kao jedan od ključnih dokumenata koji u narednom osmogodišnjem periodu treba da usmjeri rad Saveza. Članovi Skupštine na sjednici su također raspravljali i o prijedlogu Rezolucije Saveza općina i gradova Federacije BiH, a koja je nakon toga također usvojena. Rezolucija je upućena svim organima vlasti u BiH, a njome se viši nivoi vlasti pozivaju na partnerski dijalog u skladu s odredbama Evropske povelje o lokalnoj samoupravi i Zakona o principima lokalne samouprave u FBiH.

Tekst rezolucije možete pogledati na web stranici Saveza: <http://www.sogfbih.ba/uploaded/organi%20saveza/skupstina/REZOLUCIJA%20SOGFBiH,%20Sarajevo%202021.10.pdf>

ODRŽANA GODIŠNJA KONFERENCIJA KOORDINATORA ZA RAD SA SAVEZOM



U okviru projekata „Podrška savezima općina i gradova” 10. novembra / studenog održana je treća godišnja konferencija koordinatora za rad sa Savezom općina i gradova Federacije Bosne i Hercegovine.

Ovaj projekat je zajednička inicijativa Saveza općina i gradova Federacije BiH i Republike Srpske i Misije OSCE-a u Bosni i Hercegovini. Započeo je 2013. godine, a usmjeren je na unapređenje saradnje Saveza sa zakonodanom vlašću Federacije BiH (kroz uspostavljanje tješnje saradnje sa komisijama za lokalnu samoupravu oba

doma Parlamenta FBiH), zatim na unapređenje saradnje sa općinskim vijećima, te na unapređenje saradnje sa članicama Saveza putem jačanja veze sa koordinatorima. Konferencija je počela sa prezentiranjem aktivnosti Saveza općina i gradova Federacije BiH, a glavna tema je bila interna i eksterna komunikacija. U okviru konferencije, prezentator je bio Vladimir Jovanović iz Stalne konferencije gradova i općina Srbije koji je govorio o efikasnim oblicima javnog nastupa, efektivnoj upotrebi Power Point prezentacija, te unapređenju komunikacije sa općinskim i gradskim koordinatorima za rad sa Savezom.

Konferenciji je prisustvovao oko 40 koordinatora. Slike sa Konferencije možete pogledati klikom na sljedeći link: <https://www.flickr.com/gp/131895298@N08/e8ibS2>

AMCS
Associations of Municipalities and Cities Support
Podrška savezima općina i gradova
Подршка савезима општина и градова



Grb Grada Sarajeva

USVOJEN PRIJEDLOG ZAKONA KOJIM SE GRAD SARAJEVO UKLJUČUJE U DIREKTNU RASPODJELU PRIHODA SA JEDINSTVENOG RAČUNA FBiH

Parlamenta Federacije Bosne i Hercegovine usvojio je Prijedlog zakona o izmjenama i dopunama Zakona o pripadnosti javnih prihoda kojim se Grad Sarajevo uključuje u direktnu raspodjelu prihoda od poreza koji se prikupljaju na Jedinstvenom računu Federacije BiH.

Prema Prijedlogu zakona, za finansiranje funkcija kantona umjesto dosadašnjih 51,48 posto od prihoda sa Jedinstvenog računa, propisano je 51,23 %,

tako da je za finansiranje funkcija Grada Sarajeva namijenjeno 0,25 % prihoda. Također, promijenjen je koeficijent koji odražava posebne potrebe Kantona Sarajevo sa 2 na 1,9658.

Ključni razlog za hitnu parlamentarnu proceduru je činjenica da je Prijedlog izmjena i dopuna Zakona u skladu sa presudom Ustavnog suda FBiH od 10. juna 2015. godine, kojom je utvrđena povreda prava na lokalnu samoupravu Grada Sarajeva zagarantovana odredbama Ustava FBiH, Evropske povelje o lokalnoj samoupravi, te Zakona o principima lokalne samouprave u FBiH.

Predloženim izmjenama Grad Sarajevo uključuje se u direktnu raspodjelu prihoda od indirektnih poreza prikupljenih na Jedinstvenom računu.

Stupanjem na snagu izmjena i dopuna Zakona, u direktnu raspodjelu prihoda od indirektnih poreza uključuju se i sve općine Kantona Sarajevo kojima su do sada pripadajuća sredstva po osnovu indirektnih poreza transferirana iz budžeta KS.

Prijedlog ovog zakona, Predstavnički dom Parlamenta Federacije Bosne i Hercegovine usvojio je 17. novembra/studenog, dok je u Domu naroda usvojen 19. novembra/studenog 2015. godine.



KORISNI LINKOVI ZA PREDPRISTUPNE FONDove EU:

www.southeast-europe.net

www.adriaticipacbc.org

www.interregadriatico.it

www.europa.ba

www.cbib-eu.org

www.cbc.bih-mne.org

www.srb-bih.org

www.cbc-cro-bih.net

www.programmmedeu.eu

www.tacso.org

www.euroinfocentar.ba

www.balkanfund.org

www.eurelmed.com

www.eacea.ec.europa.eu

Ukupna vrijednost projekta je 526.575,65 eura (1.029.892,45 KM), od čega je Evropska unija osigurala iznos od 439.547,95 eura (859.681,07 KM).

OTVARANJE ONE STOP SHOP UREDA U OPĆINAMA TEŠANJ, TESLIĆ I ŽEPČE

Konkurentnost područja poslovne izvrsnosti „COBEAR“



Agencija za razvoj općine Tešanj (TRA) u saradnji sa partnerima Općinom Teslić, Razvojnomo agencijom Žepče (RAŽ) i Udruženjem privrednika „Biznis Centar“ Jelah-Tešanj realizira projekt: „Konkurentnost područja poslovne izvrsnosti - COBEAR“. Ukupna vrijednost projekta je 526.575,65 eura (1.029.892,45 KM), od čega je Evropska unija osigurala iznos od 439.547,95 eura (859.681,07 KM).

Kroz ovaj instrument lokalnog ekonomskog razvoja, općinske uprave će uspostaviti

direktne kontakte sa MMSP-ima u svojoj regiji, ispunjavajući svoju ulogu servisa privatnom sektoru u rješavanju pitanja vezanih uz rast i razvoj poslovanja, izgradnju poslovnih objekata i rješavanje ostalih problema sa kojima se njihovi privrednici suočavaju u radu. Kroz ovaj instrument lokalnog ekonomskog razvoja, općinske uprave će uspostaviti direktne kontakte sa MMSP-ima u svojoj regiji, ispunjavajući svoju ulogu servisa privatnom sektoru u rješavanju pitanja vezanih uz rast i razvoj poslovanja, izgradnju poslovnih objekata i rješavanje ostalih problema sa kojima se njihovi privrednici suočavaju u radu. Zvanično predstavljanje usluga OSS ureda javnosti će biti organizovano u ponedjeljak, 23. novembra 2015. godine u sali Općinskog vijeća Žepče, zgrada JU Dom kulture Žepče.

Gledajte Savez općina i gradova
Federacije Bosne i Hercegovine na



OTVORENA NOVA ZGRADA OPĆINE KAKANJ



U okviru Programa obilježavanja 25. novembra – Dana državnosti BiH, u utorak 24. novembra /studenog, u Kaknju je svečano otvorena novoizgrađena savremena administrativna zgrada u kojoj je smještena općinska služba.

Radi se o prvoj općinskoj zgradi u historiji Kaknja, a koja je u vlasništvu Općine. Izgradnju zgrade finansirala je Općina Kakanj i to bez kreditnih zaduženja. Finansiranje izgradnje se vrši kroz model kojim je osigurano da

ulaganje ne opteretiti Budžet Općine Kakanj.

Prva faza radova se finansirala iz sredstava ostvarenih prodajom poslovnih prostora koji su bili u vlasništvu Općine Kakanj. Izgradnjom nove zgrade Općina Kakanj je dobila nove poslovne prostore koji su predmet prodaje po sistemu visoki ROH – BAU kako bi se obezbijedila sredstva za drugu fazu radova na izgradnji zgrade.

Zgrada se sastoji od podzemnih prostorija sa 52 garažna mjesta, te 3 etaže. Zgrada sadrži 5 poslovnih prostora, šalter-salu, salu za sjednice Općinskog vijeća, veliki hol, salu za vjenčanja, liftove, server-sobe, prostorije za smještaj službenika koji rade u općinskim službama i Zavodu za planiranje i izgradnju općine Kakanj, te druge prostorije. Svi dijelovi zgrade su bez arhitektonskih barijera i prilagođeni osobama u invalidskim kolicima, a na jednoj od etaža su izgrađeni i posebni toaleti za invalidna lica.


Izgradnja nove zgrade nije opteretila Budžet Općine Kakanj. Osim toga, ukupan općinski budžet je u proteklih nekoliko godina porastao sa 11 miliona koliko je iznosio 2011. godine, na gotovo 21 milion koliko iznosi pripremljeni nacrt za 2016. godinu.



Grb Općine Kakanj

TEŠANJ SA IZVOZOM U 44 DRŽAVE – KIČMA RASTA BH PRIVREDE

Izvozni rezultati tešanske privrede u prvim devet mjeseci 2015. godine



Analizirajući podatke o uvozu i izvozu Tešanske privrede za prvih devet mjeseci u 2015. godini dolazimo do novih ohrabrujućih podataka koji unose optimizam da "fenomen uspješnosti tešanske privrede" nastavlja da živi i razvija se.

Kao "prvi" čovjek TRA Agencije za razvoj općine Tešanj Ismar Alagić djeluje u smjeru artikulisanja lokalnog ekonomskog razvoja i kreiranja instrumenata podrške za lokalnu privredu na temelju analize iskazanih potreba i

prisutnih trendova razvoja. "Iz posljednjih obrađenih podataka BHEPA (Agencije za promociju izvoza u BiH) vidljivo je da izvoz tešanske privrede za devet mjeseci u 2015. godini iznosi 67.581,066 tona robe na tržište na tržište 56 država u iznosu od 255.350.127 KM", kaže Alagić.

Analizom raspoloživih podataka vidljivo je da su najdominantnija izvozna tržišta za tešansku privredu u prvih devet mjeseci 2015. godine su: Njemačka (94.746.222 KM), Italija (49.960.095 KM), Slovenija (25.037.949 KM), Nizozemska (10.241.524 KM), Austrija (9.975.523 KM), Španija (9.411.490 KM), Češka (7.663.339 KM), Hrvatska (7.495.346 KM). Među ostala tržišta na koja je tešanske privreda za prvih devet mjeseci u 2015. godini izvezla više od jedan milion KM vrijednosti robe, ubrajamo: Slovačka, Turska, Srbija, Ruska Federacija, Velika Britanija, Crna Gora, Švicarska, Kosovo, Poljska, Južna Koreja.

Među odabranu grupu od 18 'milionskih' tržišta uskoro će se uvrstiti Mađarska, Makedonija, Albanija, Kina i UAE. U istom periodu relizovan je uvoz 132.835,633 tona robe sa tržišta 44 države u vrijednosti od 251.637.301 KM. Ovo govori u prilog pozitivnog "poslovnog metabolizma" tešanske privrede koja ostvaruje trgovinski suficit od 101,48 posto u prvih devet mjeseci 2015. godine.

Broj zaposlenih je dostigao broj od 10.725 lica, što je podatak vrijedan pažnje, ako se zna da je broj zaposlenih 1991. godine na području općine bio 6.972 lica.



Grb Općine Tešanj



Grb Općine Vareš

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

“Od 2004. do 2013. godine Ministarstvo je uložilo oko 13 miliona KM za unapređenje poslovne infrastrukture na području 49 općina u Federaciji, u 43 poslovne zone.”

"Ako analiziramo firme izvoznice vidljivo je da su lideri u izvozu tešanijske privrede u 2014. godini bile firme: Prevent FAD, HIFA Oil, MANN+HUMMEL BA, Pobjeda, Kantić Touristik, BME, Koteks, Napredak, Enker, Koala Paintings, Artisan, Euro-Commerce, In-Time, Medena-Commerce, Inox Ajanovic, Metal & Recycling, Fortin, Euro-Trans, Koža-Komerc, MADI, Hrast, Art, Eko-servis, A&M SPED, Contessa, BOH-Petrol, Silk-Trade, Subašić, Bosna-Commerce, Zornik, Lockwood BH, Kalim, Temal i drugi", kaže Alagić, dodaje kako su navedene firme izvezle robe u vrijednosti većoj od 0,5 miliona KM tokom 2014. godine. Broj zaposlenih je dostigao broj od 10.725 lica, što je podatak vrijedan pažnje, ako se zna da je broj zaposlenih 1991. godine na području općine bio 6.972 lica.

Broj nezaposlenih lica na području općine Tešanj sa 01.10.2015. godine je iznosio 7.502 lica, što pokazuje trend stalnog smanjenja broja nezaposlenih na području općine Tešanj.

Piše: Doc.dr. Ismar Alagić dipl.inž.maš., direktor, TRA Agencija za razvoj općine Tešanj

VAREŠ ISPUNJAVA USLOVE ZA FORMIRANJE GEOPARKA

Na poziv načelnika Općine Vareš nedavno je održan sastanak sa ministrom za prostorno uređenje, promet i komunikacije i zaštitu okoline ZDK Goranom Bulajić. Posjetu su inicirali predstavnici poduzeća "Geoworks" iz Tuzle koji su u proteklih godinu i pol intenzivno radili na istraživanju ovog područja, saopćeno je na web stranici Općine Vareš.

Prezentirajući ideju o Geoparku Vareš, direktor firme "Geoworks" magistar geologije Amer Džindo,



iznio je podatke da općina Vareš ispunjava sve uvjete kada je ovaj projekt u pitanju.

"Istraživanja su vršili eminentni stručnjaci sa Univerziteta u Bolonji koji su neovisni po ovom pitanju. Također, o Varešu postoje pisani geološki dokumenti iz 1870. godine, što nam otvara široke mogućnosti kada je ovaj projekt u pitanju. Vjerujem da ćemo imati razumijevanje kod nadležnog ministarstva i da će ova ideja vrlo brzo bit realizirana", rekao je magistar Džindo.

O ideji geoparka u Varešu ministar Bulajić je rekao: "Fasciniran sam ovom idejom, koja je došla iz male sredine jer ne očekujete ovakav potencijal koji je danas ovdje prezentiran i veoma sam zadovoljan prikazanim. Isto tako, vidim da kantonalna vlada i nadležno ministarstvo može djelovati u tom pravcu gdje bi se mogli voditi razgovori prema višim instancama, konkretno prema federalnom ministarstvu. Što se tiče kantona, Vareš može očekivati punu podršku za aktivnosti koje nam predstoje za daljnju realizaciju."

Općina Vareš mora uputiti dopis nadležnom ministarstvu sa zahtjevom za realizaciju ove ideje, a kako je ministar Bulajić rekao, uložiti će se maksimalni napor da se ovaj projekt dovede do kraja.

VLADA FBiH PODRŽAVA OTVARANJE PODUZETNIČKIH ZONA

SARAJEVO, 24. novembar/studeni - Federalni ministar razvoja poduzetništva i obrta Amir Zukić i predstavnici 11 općina s područja Federacije BiH danas su u Vladi FBiH potpisali ugovore o dodjeli grant poticajnih sredstava za unapređenje poduzetničkih zona u Federaciji, čija je ukupna vrijednost 1.495.000 KM. Od tog iznosa Ministarstvo je osiguralo milijun KM, a vlada Švicarske 495.000 KM, dok sufinansiranje općina iznosi 607.000 KM.

"Sredstva su namijenjena unapređenju infrastrukture i poboljšanju usluga poslovnih zona, te ambijenta za mala i srednja preduzeća koja posluju u okviru tih zona. To bi trebalo doprinijeti razvijanju malih i srednjih preduzeća, a samim tim otvaranju novih radnih mjesta", izjavio je federalni ministar razvoja, poduzetništva i obrta Amir Zukić.



Predstavnici općina Bosanska Krupa, Ilijaš, Grude, Tešanj, Gornji Vakuf-Uskoplje, Visoko, Gradačac, Bosanski Petrovac, Kakanj, Posušje i Žepče zahvalili su na dodijeljenim sredstvima, koja će biti namjenski iskorištena za projekte, čiji je cilj, između ostalog, kreiranje 25 novih gospodarskih subjekata i poboljšanje uvjeta za nove investicije. Uspjeh u realizaciji ovih aktivnosti poželjela im je u ime vlade Švicarske savjetnica za lokalnu upravu, migracije i razvoj Ambasade Švicarske u BiH Regula Bähler, ističući da razvoj poslovnih zona u općinama poboljšava

put BiH prema Europskoj uniji. Osiguranje sustavne podrške realizaciji razvojnih prioriteta na lokalnoj razini je zajednički cilj zbog kojeg je Ministarstvo, u suradnji s Projektom integriranog lokalnog razvoja (ILDLP), koji zajednički podržavaju Vlada Švicarske i UNDP, pokrenuo grant shemu „Unaprjeđenje poduzetničkih zona“.

“Od 2004. do 2013. godine Ministarstvo je uložilo oko 13 miliona KM za unaprjeđenje poslovne infrastrukture na području 49 općina u Federaciji, u 43 poslovne zone. Cijenimo da je učinkovitost ulaganja ovih sredstava veoma dobra, te ćemo nastojati još više sredstava izdvojiti iz budžeta FBiH i u saradnji s našim partnerima”, poručio je ministar Zukić na pres-konferenciji nakon potpisivanja ugovora.

U GORAŽDU PLANIRANA GRADNJA TRI ZGRADE ZA SOCIJALNO STANOVANJE

U općini Goražde planiraju izgradnju tri zgrade namijenjene za socijalno stanovanje. Na ovaj način će osobe koje žive u tri kolektivna centra Balkan, Belveder i Barake, a riječ je uglavnom o raseljenim osobama, konačno imati krov nad glavom. Kroz projekat CEB II, projekat zatvaranja kolektivnih centara i alternativnog smještaja, koji provodi Ministarstvo za ljudska prava i izbjeglice BiH, bit će sagrađene stambene jedinice Dom III, IV i V. Podršku projektu pružaju Visoki komesarijat Ujedinjenih nacija za izbjeglice u saradnji sa CRS-om, čiji su predstavnici ovih dana posjetili lokacije predviđene za izgradnju u ulici Salih-bega Kuljuha i obavili neophodne analize.



“Mi ćemo u 2016. godini učiniti sve da konačno zatvorimo kolektivne centre, a prije svega Balkan I, Belveder i Barake u ulici Salih-bega Kuljuha. Do sada imamo Dom I i Dom II i sljedeće u nizu zgrada bile bi Dom III, IV i V. Na taj način bismo riješili stambeno pitanje 88 porodica. Ukupan iznos kredita je 104 mil EUR i odobren je za 16 općina u BiH. Mi ćemo biti samo servis i uraditi sve što im bude trebalo, platit ćemo rentu, priključak struje i sve ostalo što se tiče same infrastrukture. Želimo da to naselje bude još urbanije, a završetak svih radova planiramo u 2016. godini”, izjavio je Muhamed Ramović, načelnik Općine Goražde.

Trenutno se na ovom lokalitetu radi projekat korita Podhranjenskog potoka.

“Planiramo i izgradnju nove zgrade u Rasadniku za 20 socijalno ugroženih porodica. Svi naši građani koji još uvijek imaju problem s obnovom i rekonstrukcijom stambenih jedinica, a ispunjavaju uslove, trebaju aplicirati kod Federalnog ministarstva raseljenih osoba i izbjeglica na Javni poziv za obnovu i rekonstrukciju stambenih jedinica u cilju povratka na područje općina FBiH koji je otvoren do kraja godine”, poručio je Ramović.



Grb Općine Goražde



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova
Federacije Bosne i Hercegovine na



Pratite Savez općina
i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA ZA MJESEC DECEMBAR / PROSINAC

10. decembar/prosinac - Dan Općine Tešanj. To je dan sjećanja na vakufnamu Gazi Ferhad-bega kojom je 1559. godine utemeljen Tešanj.

16. decembar/prosinac - Dan Općine Novi Grad Sarajevo. Na ovaj dan, 16. decembra 1977. godine formirana je Općina Novi Grad Sarajevo. Naime, ukazom Predsjedništva SRBiH o proglašenju Zakona o obrazovanju opština Sarajevsko Polje i Stari Grad Sarajevo od 16.12.1977. godine, obrazovana je Opština Sarajevsko Polje sa sjedištem Skupštine Opštine u Sarajevu, a do tada ista je bila u sastavu Opštine Novo Sarajevo. Ukazom Predsjedništva SRBiH o proglašenju Zakona o izmjenama Zakona o obrazovanju opština Sarajevsko Polje i Stari Grad Sarajevo od 27.09.1978. godine, članom 1. u nazivu i u tekstu Zakona riječi "Sarajevsko Polje", zamjenjuje se riječima "Novi Grad Sarajevo". Naprijed navedenim ukazom, tada novoformirana Opština Sarajevsko Polje, zamijenila je naziv u Opštinu Novi Grad Sarajevo i pod istim funkcioniše i do danas.



Tešanj



Novi Grad Sarajevo

